

Regesto

1254, 21 aprile, a Castrobadale. Nevia figlia di Furio dona a Martino, sindicus della chiesa di San Pietro del monastero di Moscheta, e ai suoi successori un terreno aritorio di cui entrerà in possesso alla sua morte; fino ad allora ella percepirà annualmente un canone di due corbe di frumento e una di segale a titolo di uso frutto.

Testo

(+) In nomine sancte atque individue Trinitatis. Anno Domini millesimo ducentesimo quinquagesimo quartto, die decimo exeunte Apreli, indictione duodecima.

Ego quidem Nevia olim filia Fini de Frena hoc | donationis instrumento presenti die iure proprio causa mortis pro remissione anime mee animorumque parentum et beneficiorum dono et trado tibi Martino de Ollo sindico ecclesie sancti petri monasterii et collegii de Moscheta recipienti ad | honorem dei et dicte ecclesie et dicti monasterii et fratrum et successorum dicte ecclesie et dicti monasterii silicet peciam unam terre | arotoriam positam in pertinentiis Varignane in loco qui dicitur Quatrocavre vel Monici vel Boscheti, cuius cum fines sunt tales, a tribus lateribus possidet dicta ecclesia Sancti Petri sive dictum monasterium de Moscheta, quarto latere currit via publica vel si qui alii sunt ei cum fines, cum superioribus inferioribus finibus accessionibus et excessis^(a) | suis usque ad viam publicam et cum omnibus et sin[gu]^(b)lis super se et infra se in integrum, cum omni iure et actione et usu seu requisitione mihi ex ea re competente, salvo tamen quod usque dum vixero, retineo in me habere de | usisfructibus vel prosecutibus dicte terre ab edicta ecclesia sive a dicto monasterio vel aratoribus ipsius monasticis annualiter in festo sancte Marie mensis augusti dum vixero ut dictum est duas corb[e]s boni frumentii et unam de segale dono et | trado ut predixi tibi prenominato Martino recipienti ut dictum est ad habendum, possidendum et quicquid rectoribus et fratribus dicte ecclesie et dicti monasterii et fratrum et successorum eorum in perpetuum ad habendum, retinendum et possidendum [quic]^(c) quid eis et eorum fratribus et successoribus salvo quod predixi d[e]inceps^(d), placuerit faciendum omnia ut predixi et intra suos fines continentur in integrum in presenti. Quam rem me tuo nomine recipiendo pro iam dicta <ecclesia>^(e) et dicti monasterii salvo tamen quod in me supra retinui constituo possidere donec in possessionem intraveris corporaliter in integrum | intrandi licentiam pro iam dicta ecclesia et dicti monasterii tibi tua auctoritate concedo. Ab omni quoque homine et universitate predictam rem legitime defendere, auctorizare atque disbrigare semper tibi et dicte ecclesie et dicto monasterio et [...] | fratribus et successoribus et conheredibus promitto. Quam meam donationem et dationem nolo et promitto firmam et ratam habere et tenere perpetuo et non contravenire vel facere [per me]^(g) vel alium aliqua occasione vel exceptione.|

Actum in castro Badalii in domo Bentivolli et interfuerunt Bonaventura quondam domini Guidonis et Bonacosa quondam | domini Donusdei et Bartolomeus quondam domini Philippi de Badale et Bertolus qui fuit de Motorio et Iacobinus fratri domini [Ma]^(h)zunte et huius⁽ⁱ⁾ donationis rogati sunt testes. |

Et ego Andams de Badale imperiali auctoritate notarius interfui et ut super[m]^(l) legitur rogatus scribere scripsi et mandavi super cartulam. | (S.T.)

-
- (a) Di difficile lettura nel testo.
 - (b) Di difficile lettura nel testo.
 - (c) Di difficile lettura nel testo.
 - (d) Di difficile lettura nel testo.
 - (e) Mancante nel testo. Forse scritto in interlinea, ma illeggibile.
 - (f) Due caratteri dopo il segno tironiano illeggibili nel testo.
 - (g) Testo di difficile lettura.
 - (h) Testo di difficile lettura.
 - (i) Sulla parola è posto un segno di abbreviazione.
 - (l) Si leggono solo le lettere "supm".